

恩施縣志卷之五

學校志

學宮 賓興

學額

學田

考棚

義學

書院

謹按恩施自唐宋以來歷千餘年皆有學人材炳蔚已代有傳人矣我

朝文明溥化增設膠庠其作育較前古更為周至  
勵身黌序者將何以仰副

聖天子作人之雅意也哉志學校書院賓興附之

學宮

學宮即前明施州衛學原在縣南城外文昌宮舊址今

恩施縣志

卷五

學校

一

南郡書院地後遷城內衛治之西北明景泰五年僉事沈慶守備任忠復遷南城外舊址成化六年重修宏治中參議林鑛僉事鄭岳始遷南門內之右即今學也

明崇禎十二年撫夷同知宋洪泰重修

國朝康熙四十三年守備傅天錫重修西廡泮池

崇聖祠

教授張佐瑞鄴維憲補修大成門明倫堂

訓導陳欲珍復捐俸鼎建教授訓導二署



乾隆十一年教諭魏榮楠訓導宋鼇補修東廡易起鳳門以磚石

嘉慶七年知縣李鍾白捐廉倡率士民補修

道光二年教諭石時和會同知縣左章炳倡率紳士勸捐重修

道光七年知縣張起雲修建金聲玉振二亭奎文尊經二閣

按衛志宋氏府志載乾隆以前學宮舊有櫺星門敬一亭神厨神庫志道依仁二齋在明倫堂左據德游藝二齋在明倫堂右雲路坊在明倫堂前節孝祠在學署頭門前係請帑新建今皆圯

大成殿基高五尺殿前月臺下拜臺高五寸俱甃以石下有水井

先師及四配十哲俱木像道光七年另奉神牌於前

東廡

西廡

大成門

泮池在大成門前上有橋環池甃以石前有紅墻左



右角各有覺門

金聲亭在東廡之北

奎文閣在東廡之南

玉振亭在西廡之北

尊經閣在西廡之南

名宦祠在大成門左祠左紅墻有小覺門

鄉賢祠在大成門右

崇聖祠在

大成殿之東

恩施縣志

卷五

學校

明倫堂在

崇聖祠前

儀門在明倫堂前

教諭署在明倫堂後東西各三間道光十二年教諭

彭八檀捐廉修造西舍三間二十四年教諭劉兆

廉脩造東廂典籍廳三間廳後退思處一間

志前明立衛學設教授一員

四十四年補設訓導一員雍正七年改衛為

縣例改教授為教諭員缺乾隆三十六年裁訓



導一員撥為宣恩縣學

樂器

琴六 瑟四 鼓一 圜一 鐃鐘一 應鼓一

祭器

木登三 木劍三十二 木簋五十八 簋五十八

竹籩二百三十四 木豆二百三十四 銅爵三十

二 錫登一 錫劍一 殊漆爵斝十七 錫香爐

大小二十 錫燭臺大小二十三 錫爵杯二百三

十六

恩施縣志

卷五

學校

四

按錫祭器計重二百一十六觔三兩係知縣陳肖儀  
捐製存文昌祠中

學額

明施州衛學制額取衛學文童十五名武童十五名廩  
生四十名增生四十名一年一貢

國朝雍正七年部議湖北施州衛改為恩施縣應照各  
縣例將原設廩增生各四十名之數各裁去二十名  
留二十名二年一貢學額仍文童十五名武童十五  
名



乾隆元年改土歸流口年議准另編新號將府屬新設之宣來咸利四縣酌進一二名暫歸恩施縣學管轄五年樂用六旬每學額設樂舞生四十名免府縣試三十六年按縣置學以恩施縣學訓導員缺撥改爲宣恩縣學員缺舊附恩施之考試各生俱歸各縣自轄宣來咸利四縣未設廩增額數利川人文較盛應將恩施縣原額廩增各二十名俱減爲十二名以八名撥入利州至設立府學應將恩施縣學文武原額十五名內量減三名建始縣學文武原額八名內量

恩施縣志

卷五

學校

五

減一名撥入府學於是每屆額取文學十二名武學十二名廩生十二名增生十二名仍定二年一貢

嘉慶十一年闔邑紳士以恩施人文較盛前撥學額應仍撥還赴省呈控經撫憲咨部部議湖北巡撫瑚圖禮等奏請恩施縣復還學額三名文武童生各取進十五名

乾隆六十年增廣學額一次大學加取五名中學加取二名共取進六名以上者增額三名四五名者增額一名二三名者增額一名



嘉慶元年增廣學額一次大學加取七名中學加取五  
名小學加取三名四年增廣學額一次二十五年增  
廣學額一次數俱如前

道光元年增廣學額一次大學加取七名中學加取五  
名小學加取三名三十年廣額一次數如前恩施增  
額七名

咸豐四年增廣學額一次恩施增額七名六年增廣學  
額一次恩施增額七名

咸豐十年湖廣閣督官奏恩施捐輸計至二萬四千零

恩施縣志 卷五 學校 六

請以銀二萬兩永廣文武學額二名四千兩暫廣學  
額二名文武學額各十七名

同治元年增廣學額一次

同治二年續辦廣額案內奏恩施自咸豐十年後接次  
復辦捐輸計至一萬三千兩零請以銀一萬兩永廣  
文武學額一名銀三千兩暫廣學額一名今定文武  
學額各十八名

學田

尖山子水陸田地一段崇禎十七年衛民徐人成捐



薛家莊田地山場一段康熙二十一年衛民薛正紀

捐

縣南門外水田一段康熙二十二年衛民陳姓捐

蠻王砦水田一段康熙四十年衛民門斗陳宗曉捐

南門外學地數段葛家坡學地一段東門內學地一段

俱康熙年間衛守備范福詠傅天錫衛千總雷洪聲

捐

乾隆三十八年訓導馬堂詳請舊有衛學田地公撥兩

學公收以作香燭之資知府袁文觀飭署恩施縣知

恩施縣志

卷五

學校

七

縣吳森妥議分撥兩學公收在案四十五年知縣韓

悅曾奉府飭將學田穀碩地租細行分撥並詳藩司

立案縣學每年分收租穀肆拾伍碩租銀六兩九錢

二分

考棚

考棚在恩施縣署西半里許卽舊縣署地也乾隆元年

改土歸流所屬六縣惟恩施建始二縣舊有學制皆

附宜昌考試三十六年知府張映燾詳請按縣設學

隨據各生童以宜昌考試路遠費艱願於本府城內



捐建考棚詳准興脩四十一年工竣四十五年題請  
學政按臨四十六年學使吳省欽按臨考試倣歐陽  
文忠公至喜亭而以至喜名其齋複製揚清堂額懸  
於大堂跋其後云施郡城東清江源自奉節白鹽山  
曰夷溪曰扞水亦曰鹽水至宜都入江處曰很山此  
溪實古夷水胡氏謂在魚復受江亦禹貢荊州所導  
之一沱予昨考正然施之水莫大於是是水常伏流  
揚之猶導之云爾卽士氣何以異復作施州行署東  
芭洲太守詩勒之於碑訓導李宗汾撰有視學記詳  
恩施縣志

卷五

學校

八

藝文中嘉慶二十一年學使鮑桂星按臨作施州行  
贈尹太守詩咸豐六年學使馮譽驥作重試施州示  
諸生詩均勒石壁間

義學

鳳山書院舊爲義學乾隆時知府呂世慶倡建以縣民  
張姓等互爭田地歸作膏火知縣劉毓璠詳請立案  
嘉慶二十一年因南郡書院經費不充鳳山書院久  
圯知府佟景文諭將此項撥入南郡書院

崇化書院舊爲恩施義學今圯



成山書院舊爲恩施義學在城內成山今圯

咸豐十年知府朱啟仁諭邑紳倡立義學三所捐廉延師課讀逾年以改任而止

### 書院

麟溪書院在縣西門外金華橋南據麒麟溪之上游同治二年署知縣許光曙勸捐四千有零始行創建四月興工是冬工竣建講堂三楹爲修道堂堂後建屋三間左祭器右圖書東爲賓興館翼以講舍十四間西爲花廳知府夏錫麒顏曰潛齋廳後爲講師遊息

### 恩施縣志

### 卷五

學校

九

之所環以倉廚共造房屋三十八間十一月詳請立案計用修造工費錢二千五百串零是年設防餘款四千有奇合勸捐脩造餘款共五千九百串零概行置產並將賓興所遺田業一體合算以六成作膏火四成作賓興接任知縣翁鍵定有章程八條通詳各大憲批准在案知府夏錫麒潛齋跋知縣許光曙創建書院碑詳藝文志

### 賓興

賓興仿自陳邑侯肖儀歲在甲午以建塔餘資設館於



鼇脊山麓深心培植士氣奮興其時錢課穀租均有成數四十年來入不敷出所餘無幾同治元年署令許光曙改建新館於麟溪書院之側合舊遺田業附存書院每年撥出四成以備鄉試給發路費之資出入賬目仍歸書院首士經營接任知縣翁鍵定議章程存縣署中陳侯肖儀示諭許侯光曙碑記載藝文志內

麟溪書院新置庄田

東鄉李家觀田

置價伍百肆拾千文  
額租穀貳拾叁碩

恩施縣志

卷五

學校

十

東鄉烏羊壩田

置價伍百捌拾千文  
額租穀貳拾陸石

東鄉天池嶺田

置價肆百貳拾千文  
額租穀壹拾捌石

東鄉下村田

置價伍百伍拾千文  
額租穀貳拾肆石

東鄉三角堰田

置價肆百肆拾千文  
額租穀壹拾三石

南鄉頭道水田

置價柒百千文  
額租穀貳拾捌石租錢三千二百文

西關外白巖頭田

置價伍百貳拾千文  
額租穀貳拾壹石

北鄉白堰榜田

置價貳百肆拾千文  
額租穀捌石

北鄉萬佛寺田

置價陸百千文  
額租穀貳拾叁石五斗

北鄉後山田

置價陸百陸拾千文  
額租穀貳拾伍石



賓興舊遺庄田

北鄉柏樹林田康錦堂捐額租錢陸千肆百文

北鄉乾堰塘田小渡船捐額租穀肆石伍斗

北鄉舊屋基田小渡口捐額租錢柒千文

北鄉天鵝山田小渡口捐額租錢柒千文

北鄉大榜田小渡口捐額租錢肆千伍百文

北鄉金子壩田文昌宮當價肆百千文額租穀壹拾肆石

城內考棚街舖屋置價肆百貳拾千文額租錢拾壹千貳百文

恩施縣志

卷五

學校

十一